



Na osnovu članova 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04), člana 13. Odluke o izvršavanju Budžeta Općine Centar Sarajevo za 2026. godinu (Službene novine Kantona Sarajevo, broj: 52/25) člana 4. Pravilnika o nagrađivanju uspješnih mladih pojedinaca sa područja Općine Centar Sarajevo („Službene novine Kantona Sarajevo“, br. 2/24 i 7/25) i Odluke o pokretanju postupka raspisivanja i provođenje Javnog poziva broj: 13-11-1133/26 od 20.02.2026. godine, Općinski načelnik upućuje

JAVNI POZIV za nagrađivanje uspješnih mladih pojedinaca sa područja općine Centar Sarajevo

I OPIS PROGRAMA

Cilj nagrađivanja mladih je poticanje izvrsnosti i posvećenosti obrazovanju, nauci, kulturi, sportu, isticanje i promocija pozitivnih primjera u lokalnoj zajednici, motivacija mladih za učešće i postizanje što boljih rezultata. U cilju ostvarivanja javnog interesa iz navedenih oblasti, Općina Centar Sarajevo planirala je sredstva u Budžetu Općine Centar za 2026. godinu za nagrađivanje uspješnih mladih pojedinaca u ukupnom iznosu od 65.000,00 KM.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

II PRAVO NA DODJELU SREDSTAVA MOŽE OSTVARITI:

Pravo na dodjelu sredstva mogu ostvariti pojedinci koji ispunjavaju sljedeće uslove:

- a) Da je državljanin Bosne i Hercegovine;
- b) Da ima prebivalište na području općine Centar u trajanju od minimalno godinu dana do dana podnošenja zahtjeva;
- c) Starosne dobi od 15 do 30 godina;
- d) da ima postignut rezultat - osvojeno jedno od prava tri mjesta na kantonalnom, federalnom, državnom, evropskom ili svjetskom takmičenju

II TRAJANJE JAVNOG POZIVA

Javni poziv se objavljuje na web stranici Općine, i ostaje otvoren do kraja tekuće godine, odnosno do utroška planiranih sredstva za ovu namjenu.

Zahtjeve za ostvarivanje prava podnose mladi na propisanom obrascu, a koji je sastavni dio Javnog poziva u rokovima predviđenim ovim Javnim pozivom.

Općina zadržava pravo da izmijeni / uskladi iznos planiranih sredstava u skladu sa izmjenama budžetskih dokumenata u toku godine.

III KRITERIJI ZA IZBOR KANDIDATA IZNOS SREDSTVA:

Na osnovu Pravilnika utvrđena je visina novčane nagrade na osnovu nivoa takmičenja i ostvarenog rezultata na istom, i to kako slijedi:

a) Visina novčane nagrade za ostvarene individualne rezultate:

NIVO TAKMIČENJA	I mjesto	II mjesto	III mjesto
SVJETSKO TAKMIČENJE	1500,00 KM	1200,00 KM	1000,00 KM
EVROPSKO TAKMIČENJE	1000,00 KM	900,00 KM	800,00 KM
BALKANSKO/REGIONALNO TAKMIČENJE	700,00 KM	600,00 KM	500,00 KM
DRŽAVNO TAKMIČENJE	400,00 KM	350,00 KM	300,00 KM
FEDERALNO TAKMIČENJE	300,00 KM	250,00 KM	200,00 KM
KANTONALNO TAKMIČENJE	150,00 KM	100,00 KM	70,00 KM

b) Visina novčane nagrade pojedinca za ostvarene rezultate u parovima ili ekipnoj konkurenciji:

NIVO TAKMIČENJA	I mjesto	II mjesto	III mjesto
SVJETSKO TAKMIČENJE	500,00 KM	450,00 KM	400,00 KM
EVROPSKO TAKMIČENJE	400,00 KM	350,00 KM	300,00 KM
BALKANSKO/REGIONALNO TAKMIČENJE			
DRŽAVNO TAKMIČENJE	300,00 KM	250,00 KM	200,00 KM
FEDERALNO TAKMIČENJE	200,00 KM	150,00 KM	100,00 KM
KANTONALNO TAKMIČENJE	100,00 KM	70,00 KM	50,00 KM

IV POTREBNA DOKUMENTACIJA:

Podnosioci zahtjeva na Javni poziv obavezni su dostaviti slijedeće dokumente (original) :

- Uvjerenje o kretanju lica koje je ostvarilo rezultat;
- Dokaz ili potvrda o ostvarenim rezultatima na kantonalnom, federalnom, državnom, balkanskom/regionalnom, evropskom ili svjetskom takmičenju u tekućoj kalendarskoj godini, izdata od nadležne institucije ili organizatora takmičenja,
- motivaciono pismo lica koje je ostvarilo rezultat.
- Podnosilac zahtjeva koji aplicira za nagrađivanje iz oblasti socijalnog i društvenog angažmana dužan je dostaviti peticiju ili preporuku neformalne grupe građana, nevladine organizacije, ustanove ili institucije kojom dokazuje svoj angažman u zajednici, a koji je od značaja za Općinu.
- ugovor ili potvrda banke o otvorenom tekućem računu.

V NAČIN DODJELE NOVČANIH SREDSTAVA

Pristigle zahtjeve će razmatrati Služba za obrazovanje, društvene djelatnosti, kulturu i sport. Služba će u roku od 7 (sedam) dana od dana prijema zahtjeva utvrditi da li su ispunjeni kriteriji za dodjelu sredstava, te obavijestiti podnosioca zahtjeva.

Na obavijest kandidati mogu u roku od 8 (osam) dana od dana prijema iste, podnijeti pismeni prigovor Komisiji. Komisiju imenuje Općinski načelnik iz reda državnih službenika.

Odluku o prigovoru, Komisija će donijeti u istom roku, računajući od dana njegovog podnošenja.

Osobe koje učestvuju u postupku dodjele sredstava bit će isključene iz postupaka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

Novčana sredstva za nagrade realizirat će se na osnovu zaključka Općinskog načelnika, na prijedlog nadležne službe u skladu sa utvrđenim kriterijima i raspisanim javnim pozivom. Isplate sredstava pojedincima koji su ostvarili pravo na nagradu, vršit će se jednokratno, prilikom svečanih prijema u povodu obilježavanja značajnih datuma, i to:

- a) 01. mart – Dan nezavisnosti Bosne i Hercegovine,
- b) 08. maj - Dan mladih Općine Centar Sarajevo,
- c) 12. august – Svjetski dan mladih
- d) 25. novembar – Dan državnosti Bosne i Hercegovine i
- e) 31. decembar – obilježavanje Nove godine.

VII NAČIN PODNOŠENJA ZAHTJEVA

Zahtjev sa dokumentacijom se podnosi Službi za obrazovanje, društvene djelatnosti, kulturu i sport – Odsjek za kulturu i sport na protokol Općine Centar, adresa Mis Irbina 1.

Za sve dodatne informacije korisnici mogu pozvati broj telefona 033/562-384 ili poslati upit na mail: mladi@centar.ba

OPŠTINSKI NAČELNIK
Srđan Mandić